



basic education

Department:
Basic Education
REPUBLIC OF SOUTH AFRICA

NATIONAL SENIOR CERTIFICATE

GIREDI YA 12

XITSONGA: RIRIMI RA LE KAYA (HL)

PAPILA RA 2 (P2)

NYENYANYANA/NYENYANKULU 2011

MEMORANDAMU

TIMARAKA: 80

Memorandamu leyi yi na 13 wa tipheji.

XIYENGE XA A: VUTLHOKOVETSERI**A1: SWITLHOKOVETSELO SWA NDZAWULELO****XIVUTISO XA 1: XITSALWANA****HI LE RENDZWENI – KJ Ngobeni****1: Hi le rendzwensi laha misaveni.**

Mutlhokovetseri u tirhisile vusasekisi ku sasekisa ku fa. Eka xitlhokovetselo lexi mutsari u vula leswaku vanhu hinkwavo emisaveni va ta fa tanahi munhu loyi a suaka eka ndhawu yin'wana a ya eka yin'wana. Mutsari u tirhisile rito "rendzwensi" ku hi humesela mhaka ley. Munhu wa hanya kutani ku fika nkarhi wa ku fa, a fa. Swi tano na le rendzwensi munhu u va a suke eka ndhawu yin'wana a ya eka yin'wana. ✓✓

(2)

3: Hi le rendzwensi ra vutomi byo bola.

Mutlhokovetseri u tirhisile xivulavulelo kumbe xigego ku kombisa leswaku hi le ku fambeni eka vutomi lebyi nga taleriwa hi vubihi. Mutlhokovetseri u tirhisile rito "bola" leri kombisaka xiyimo xa nchumu lowu a wu ri wunene kambe wu fika wu cinca xiyimo xi va lexi nga onhaka. Leswi swi tiyisisa ku tala ka vubihi emisaveni. ✓✓

(2)

5: Vutomi u hi khomela yini?

Mutlhokovetseri u tirhisile yumunuhuhati na xivutiso lexi nga laviki nhlamulo ku kombisa ku va a nga ri na ntiyiso wa leswi vutomi byi nga khomela swivumbiwa swona. ✓✓

(2)

9: Ha famba hinkwerhu.

Mutlhokovetseri u tirhisile xivulavulelo "ha famba" ku kombisa leswaku vanhu hinkwavo va ta fa/lova. Mutlhokovetseri u tirhisile risivintalo "hinkwerhu" leri tshikelelaka leswaku ku hava na un'we loyi a nga ta ka a nga fi. ✓✓

(2)

14: Vo tala a hi nge boxi.

Mutlhokovetseri u tirhisile xivulavulelo ku kombisa leswaku vanhu vo tala va ta lova va nga si dyuhala./Va nga si hanya nkarhi wo leha./Va nga si fikelela leswi a va fanele ku swi endla emisaveni. Mutlhokovetseri u tirhisile rito "boxi" ku humelerisa mhaka ley. ✓✓

(2)

[10]

XIVUTISO XA 2: XIKAMBELANTWISISO**DZOVO RA MHISI – MM Marhanele**

2.1 Xitlhokovetselo lexi xi vulavula hi wansati loyi a nga hloma evukatini. Wansati loyi loko a ha ku hloma u hanya vutomi lebyinene. Loko se a tolloverile u humesa mahanyelo ya yena lamo homboloka. ✓✓

(2)

2.2 I ku va xakudya xi hundzeriwile hi nkarhi/ xi borile/onhakile. ✓✓

(2)

- 2.3 I ku tiyisisa/tshikelela ku hundzuka ka mahanyelo lamanene ya wansati ku ya eka lamo biha./Ku hundzuka ka mahanyelo ya yena i mihlolo hikuva huku ya meno lama fanaka na ya munhu ku hava. √√ (2)
- 2.4 Munhu wa mahanyelo lama nga riki lamanene/ntiyiso. √√ (2)
- 2.5 "Hi nkarhi wolowo Buku ya Ntima yi n'wi hlambisa timbilu." √√ (2)
[10]

KUMBE**XIVUTISO XA 3: XIKAMBELANTWISISO****NDZHAKA I YA MINA – M Mathebula**

- 3.1 Xitlhokovetselo lexi xi vulavula hi munhu loyi a a rindzerile ku nyikiwa rifuwo hi mana wa yena. U tsundzuxa mana wa yena leswaku hi yena a faneleke ku kuma rifuwo hambileswi mana wa yena a n'wi tsoneke rona, a ri nyika nuna un'wana/ na vana lava nga riki va tata wa yena. U hetelela hi ku kombisa ku hlundzuka ka yena hi ku vula leswaku u venga lava dyeke rifuwo ra yena. √√ (2)
- 3.2 Wa vilela naswona u hlundzukile./U titwa a nga khomiwangi kahle hi mana wa yena. √√ (2)
- 3.3 Ku tshikelela/tyisisa/mhakankulu kumbe hungunkulu ra xitlhokovetselo. √√ (2)
- 3.4 "Swi tive leswaku ndzi venga vahlwanyi va ndzhaka yanga". √√ (2)
- 3.5 Nuna/Munhu lontshwa loyi a rhandzanaka na mana wa yena. √√ (2)
[10]

KUMBE**XIVUTISO XA 4: XIKAMBELANTWISISO****KUMBE A NDZO LORHA – JM Magaisa**

- 4.1 Xitlhokovetselo lexi xi vulavula hi ku cinca ka mifumo ya matiko ya Afrika. Mutlhokovetseli u kombisa leswaku a a nga tshembi leswaku mifumo ya ntshikilelo yi nga hela. Ku fike laha vanhu va nga hanya hi ku twanana/ va tshamisisana. √√ (2)
- 4.2 U vula leswaku a a ettele kambe emiehlekeweni ya yena a ku lo nghee, a kota ku vona swilo hinkwaswo./A a ettele kambe leswi a a swi lorha a ku ri xivono hikwalaho u kota ku tsundzuka hinkwaswo. √√ (2)
- 4.3 Milawu leyi a yi tsandzekisa vanhu ku tshama/hanya swin'we. √√ (2)
- 4.4 Ya n'wi tsakisa √. "Ndzi te embilwini wu tlula mijeko ya misava."√ (2)

4.5 Ra Afrika. √√ (2)
[10]

NA

A2: SWITLHOKOVETSELO SWO KA SWI NGA RI SWA NDZAWULELO (SWA BOHA LESWAKU U HLAMULA XIN'WE)

XIVUTISO XA 5: XITSALWANA

N'WINA LAVATSONGO – NJ Maluleke

- 2: Mi nga languti hi ku monya**
Eka ntila lowu mutlhokovetseri u tsundzuxa vantshwa leswaku va nga languti lavakulu/vadyuhari hi ndlela yo komba ku sola. Mutlhokovetseri u tirhisile rito "monya" leri kombisaka ku koya kumbe ku sola mhaka yo karhi. √√ (2)
- 3: Mi monya mananga ya vukhale**
Mutlhokovetseri u tirhisa xikhovolelo ku kombisa leswaku va nga languti lavakulu va va sola ku va va dyuharile/ va nga soli vudyuhari lebyi byi nga kona eka lavakulu/ swihlawulekisi swa vukulu eka lavakulu. Mutlhokovetseri u tirhisile xigego "mananga ya vukhale" ku kombisa swihlawulekisi leswi. √√ (2)
- 5: Lama nga lo mbuku, emahlweni**
Eka ntila lowu u kombisa leswaku swihlawulekisi leswi swa vukhale swi tele loko munhu a ri karhi a kula. Leswi vulaka leswaku loko vantshwa va ri karhi va kula na vona va ta hlangana na swona swihlawulekisi leswi swa vukulu. Ku tala ka swihlawulekisi leswi ku paluxiwa hi riencisi ra "mbuku!" leri mutsari a nga ri tirhisa eka ntila lowu. √√ (2)
- 7: Masiku yo nyuka mafurha**
Eka ntila lowu mutlhokovetseri u tirhisa xivulavulelo ku kombisa leswaku loko nkarhi wo dyuhala wu nga si fika ku tiphina hi masiku ya ku hanya a swi ri kona. Mutlhokovetseri u tirhisile rito "nyuka" leri kombisaka ku hatima loku vaka kona hi ku va munhu a tole mafurha. Leswi swi paluxa ku tiphina loku vaka kona hi mikarhi ya vuntshwa bya munhu. √√ (2)
- 9: Na le ka n'wina mbewu yi kona**
Mutlhokovetseri u kombisa leswaku na leswi sweswi va nga vantshwa/ va ha riki vatsongo, ku dyuhala ku kona eka vona. Na sweswi vona va nga vantshwa wu ta fika nkarhi wa ku va na vona va dyuhala. Mutsari u tirhisile rito "mbewu" ku tiyisisa mhaka leyi. √√ (2)
[10]

KUMBE

XIVUTISO XA 6: XIKAMBELANTWISISO

- 6.1 Mutlhokovetseri u tsundzuxa vantshwa lava va hlekulaka vanhu lava nga kula/dyuhala leswaku va nga hleki hikuva na vona hi ku famba ka nkarhi va ta dyuhala. ✓✓ (2)
- 6.2 Hleka xilema u ri ndzeni. (Kumbe swin'wana leswi amukelekaka.) ✓✓ (2)
- 6.3 Chefu/mhondzo/marha ya nyoka kumbe xipame. ✓✓ (2)
- 6.4 Wa tshinya. "Mi nga languti hi ku monya." ✓✓ (2)
- 6.5 Lavatsongo/lavantshwa.✓✓ (2)
- [10]**

NTSENGO WA XIYENGE XA A: **30**

XIYENGE XA B: NOVHELE**XIVUTISO XA 7: XITSALWANA****MULUNGUNTIMA – TH Khosa**

- Chavalala a a tirha efemeni ya PPE eGiyani. √√√
- A a tirha hi ku chivirika na ku tiyimisela. √√√
- A a famba a gangisa van'wamabindzu leswaku va ta endla timhaka ta vunavetisi bya mabindzu ya vona. √√√
- Chavalala a a swi endla hi ndlela yo hlawuleka leswi vangaka leswaku Hlongwane a n'wi vondzoka kutani a sungula ku n'wi cela. √√√
- Siku rin'wana Chavalala u n'wi lerile loko a ya hlangana na van'wamabindzu eNkowankowa, Hlongwane a n'wi holovela a vula leswaku a nga n'wi leli hi mikarhi leyo tala loko a famba. √√√
- U byeriwile na leswaku u famba a tlangisa mali ya feme. √√√
- U n'wi tshikelerile hi marito loko va ri ehodela na vatirhikulobye, kambe Chavalala a nga tshiki ku tirha. √√√
- Chavalala a nga helangi matimba, u yile emahlweni a tirha ku kondza bodo ya vufambisi bya feme yi vona migingiriko ya yena leyo hlawuleka. √√√
- Kwalaho yi vuye yi n'wi hlawula ku ya hlangana na vahlanganisi van'wana va misava eYuropo. √√√
- Loko a vuya a a ri munhu loyi a a ri na vuswikoti eka timhaka ta vuhalanganisi. √√√

MAAVELO YA TIMARAKA:

V =15(Mikutlunya yin'wana na yin'wana ya ntlhanu.)
X&R=10

[25]

KUMBE**XIVUTISO XA 8: XIKAMBELANTWISISO****MULUNGUNTIMA – TH Khosa**

- | | | |
|-----|--|-----|
| 8.1 | Hlongwane a a fanele a yiva cheke ehofisini ya Nyeleti kutani va fojara misayino ya Brooks na Chavalala leswaku Chavalala na Nyeleti va ta hlongoriwa entirhwensi. √√ | (2) |
| 8.2 | "Eworkshop"./Va le ka ndhawu leyi va tirhelaka kona ku kandziyisa maphepha. √ | (1) |
| 8.3 | Chavalala a a fanele a khomiwile loko a chika eka xihahampfhuka ejoni, ivi ntirho wu n'wi helela ku ta nghena Mathebula entirhwensi wa yena, eka wa Nyeleti ku nghena Maria kasi ku hela ku khomawa Hlongwane na vanghana va yena. √√√ | (3) |
| 8.4 | George Mathebula na Maceke. √√ | (2) |
| 8.5 | Mkhari a a ri munhu wa kahle, loyi a nyikaka switsundzuxo leswi faneleke. U khutaza Chavalala loko a ri ku xanisiweni. Na Hlongwane wa n'wi tsundzuxa hi ta maendlelo ya yena lamo homboloka. √√√ | (3) |

- 8.6 I Johnson Hlongwane./ Munghana wa Mathebula./ Munghana wa Mkhari.
A a ri xandla xa mininjhhere./ Mupfuneti wa mininjhhere. √√ (2)
- 8.7 A a hlundzukisiwile hi leswi a a nga ha ri na ntirho hikuva Hlongwane a nga ha n'wi tholangi. Maphorisa se a ya n'wi sale ndzhaku hi timhaka ta cheke. √√ (2)
- 8.8 A a vitaniwile hi phorisa Mlambo ku ya n'wi vutisia hi ta vukhamba bya cheke ya le PPE. √√ (2)
- 8.9 Ematshan'wini yo landzelerisa timhaka ta cheke hi mfanelo u vula leswaku Nyeleti hi yena a nga yiva. Na loko Chavalala a huma Eyuropo u ri u ya khoma Chavalala onge se u swi kumile leswaku hi yena a nga yiva cheke. √√ (2)
- 8.10 Loko munhu a ri murhangeri u fanele ku hanya kahle na lava va tirhaka ehansi ka yena./Loko munhu a ri na xiyimo xa le henhla a nga xi rhwali emakatleni. (Mudyondzi a nga ha nyika tidyondzo tin'wana.) √√ (2)
- 8.11 A ndzi ta n'wi tsundzuxa leswaku a tshika vutomi lebyi a byi hanyaka byo xanisa vanhu van'wana na makwanga lama a a ri na wona, hikuva mahanyelo ya yena a ya ta n'wi peta nhloko. (Mudyondzi a nga nyika mavonelo ya yena.) √√√ (3)
- 8.12 Jerico/Clifford Nkuna. √ (1)
- [25]

XIVUTISO XA 9: XITSALWANA***MIBYA YA NYEKANYEKA – BKM Mtombeni***

- Nyiko na Madambi a va hambanile hi mahanyelo ya vona. Nyiko a a basa kambe a swi nga fambi kahle exikolweni/ a a nga tlharihangi exikolweni. √√√
- Madambi a a tlharihile swinene kambe a a ri na futa. √√√
- Leswi a swi karhata Tlhomandloti, kutani swi endla leswaku a tshama a va laya nkarhi na nkarhi. √√√
- A a va byela hi mikarhi yo tala leswaku a va ve emahlweni eka hinkwaswo leswi va swi endlaka. √√√
- A va byela leswaku va va timboni eka rixaka na vanhu lava va tshamaka na vona kambe vona a va nga ri tano. √√√
- Nyiko u dyondzerile vufundhisi kambe u tsandzeka ku va xikombiso lexinene hikuva u onhile N'wa-Mdanisi, un'wana wa lava a a nghena na vona kereke. √√√
- Nyiko u hluvuriwile nguvu ya vufundhisi. √√√
- Madambi a a rhandzana na Soluka loyi a a ri Muqhosa, leswi Tlhomandlotia nga swi tsakeliki. √√
- Tlhomandloti a nga ku fikelelelangi ku hetiseka loku a a ku lava. U vilele ku kala a fa hi mbitsu. √√√

MAAVELO YA TIMARAKA:

V =15 (Mikutlunya yin'wana na yin'wana ya ntlhanu.)
X&R=10

[25]

XIVUTISO XA 10: XIKAMBELANTWISO***MIBYA YA NYEKANYEKA – BKM Mtombeni***

- 10.1 I Mufundhisi Tlhomandloti.✓ (1)
- 10.2 Madambi a a n'wi hlamusele leswaku u rhandzana na Soluka loyi a a ri Muqhosa kutani a a lava ku n'wi teka, ku ri hileswaku yena Tlhomandloti a nga swi tsakeli. ✓✓✓ (3)
- 10.3 U vule leswaku a nge n'wi teki Soluka naswona a nge heli a teke munhu. ✓✓ (2)
- 10.4 Mudyondzi u ta humesa mavonelo ya yena. Xik. Xi languteka xi nga swi tivi/ voni leswaku rirhandzu ri aka laha ri lavaka kona./ Munhu un'wana na un'wana i munhu handle ko va a ri wa rixaka ro karhi. ✓✓ (2)
- 10.5 Hileswi Madambi a nga lan'wa a vula leswaku a nge he teki nsati un'wana.✓✓✓ (3)
- 10.6 Mudyondzi u ta humesa mavonelo ya yena. Xik. Munhu un'wana na un'wana i munhu handle ka ku va a ri wa rixaka rihi kutani hi nga n'wi tsan'wi. ✓✓ (2)
- 10.7 Eka Nyiko Tlhomandloti. ✓ (1)
- 10.8 A a nga pasi kahle tidyondzo ta yena kutani mutswari a vilela. ✓✓ (2)
- 10.9 A a tshama a basile.✓/ A a dyondzele vufundhisi.✓/ A a teke Mutsonga.
(Tinhlamulo tin'wana na tin'wana timbirhi.) (2)
- 10.10 Ya komba ku va a nga swi twisisi leswaku i yini lexi endlaka leswaku Nyiko a hluleka exikolweni. U vona onge swilo hinkwaswo swa olova evuton'wini a nga swi voni leswaku munhu un'wana na un'wana u na nyiko ya yena. ✓✓✓ (3)
- 10.11 Ku pfumela ku yengiwa hi N'wa-Mdanisi./ Ku rhandzana na N'wa-Mdanisi. ✓✓ (2)
- 10.12 Mudyondzi u ta humesa mavonelo ya yena. Xik. Hambi wo famba enkoveni lundza ri ta vonaka. ✓✓ (2)
- [25]**

NTSENGO WA XIYENGE XA B: **25**

XIYENGE XA C: NTLANGU**XIVUTISO XA 11: XITSALWANA****HLAMBA VUNWA NANDZUWE – AD Mahatlane**

- Mavhavaza i munhu loyi a humaka etikweni ra Mozambiki a tela ku ta tirha etikweni leri, laha a nga twisisiki ririm i na mahanyelo ya Valungu va tiko leri. √√√
- Loko a endlela Valungu va yena swihoxo, wa biwa kambe a nga lan'wi ntirho. √√√
- Loko a teka nsati wa yena wo sungula wa n'wi lovela kambe wa amukela. √√√
- Wa swi amukela na loko a balekeriwa hi nsati wa yena wa vumbirhi loyi a nga longa nhundzu na vana. √√√
- Ku tikuma a ri yexe eka hinkwaswo leswo vava swi n'wi dyondzisa vutomi bya le madorobeni. √√√
- U kale a yisiwa na le tin'angeni hikokwalaho ko hlangana na swo vava leswaku a ta kuma mikateko, kambe a swi pfunangi nchumu. √√√
- Eku heteleleni hi ku va Mavhavaza a tiyiserile eka swiyimo leswi a hlanganeke na swona, u kumile pasi ra tiko leri, a kuma ntirho wa kahle, a tlhela a tekana na Topisa va aka muti wa kahle swin'we. √√√

MAAVELO YA TIMARAKA:

V =15 (Mikutlunya yin'wana na yin'wana ya ntlhanu.)
X&R=10

[25]

KUMBE**XIVUTISO XA 12: XIKAMBELANTWISO**

- | | | |
|------|--|-----|
| 12.1 | Tshikani Mininginisi Chauke. √√ | (2) |
| 12.2 | A va tinyuma exikarhi ka tinxaka letin'wana emadorobeni, hikuva a va hlekiwa, va biwa na ku languteriwa ebodhleleni. √√√ | (3) |
| 12.3 | A a tekanile na yena./ A a ri nuna wa Sofia./ Sofia a a ri nsati wa Sheks. √ | (1) |
| 12.4 | A a ri munhu loyi a a nga tiehlekeli vumundzuku bya yena, a a tsakisiwa hi swa nkarhi wa sweswi. √√ | (2) |
| 12.5 | I munghana wa kahle loyi a kotaka ku tsundzuxa munghana loko a nga endli swa kahle. √√ | (2) |
| 12.6 | Ku tshika ndlela yo ya emalokhixini a ya heta mali na vavasati va Joni.
Ku ya lulamisa ta ndyangu wa yena ekaya na N'wa-Xirhami. √√ | (2) |
| 12.7 | U lovoriile hlantswana ya N'wa-Xirhami. √ | (1) |
| 12.8 | Hikuva Matanato a a nga ambalangi nchumu./ A a tekeriwile mpahla. √ | (1) |
| 12.9 | A a ri exitokofeleni. √ | (1) |

- 12.10 Hi Rhoda, u n'wi lombele mpahla eka buti wa yena. √√ (2)
- 12.11 Hafu ya yona u xaverile Rhoda na va ka vona byalwa kasi leyin'wana u tekeriwile hi vatsotsi. √√ (2)
- 12.12 Mudyondzi u ta nyika vonelo ra yena. Xik. E-e, a ndzi ta va ndzi tlhelele enkoponi hikuva a ndzi ta lova na mali ley a yi sele. √√√ (3)
- 12.13 Mudyondzi u ta nyika vonelo ra yena. Xik. Ina, hikuva munhu wa kota ku endla/xava nchumu lowukulu hi mali ya kona. √√√ (3)
- [25]**

KUMBE**XIVUTISO XA 13: XITSALWANA****VUKOSI / MBERHA – P Ndlovu**

- "Nhompfu a xi nuheti", swi vula leswaku munhu a nga koti ku tiva leswi swi nga ta n'wi humelela mundzuku evuton'wini. √√√
- N'wa-Vusika u landzile Boneka leswaku a ta n'wi salela na n'wana loko yena a ta va a yile emasin'wini. √√√
- Boneka u tirhile ntirho lowu xikan'we na mitirho yin'wana ya muti ley a a rhumiwa ku yi endla. √√√
- Timhaka ti tile ti ta biha loko Xikweni a tlhela na Boneka eJoni. √√√
- Boneka u rhandzanile na Xikweni kwale Joni, kutani a sindzisa Xikweni leswaku a hlongola vasati va yena, N'wa-Vusika na N'wa-Vukwele leswaku a ta sala a va nsati wa Xikweni a ri swakwe. √√√
- Boneka u xanisile vana va N'wa-Vusika lava a a sale na vona ekaya ka Xikweni. √√√
- Loko N'wa-Vusika a a swi tivile leswaku loko a teka Boneka a n'wi tisa ekaya ka yena leswaku a ta n'wi pfuna ku hlayisa n'wana ku ta humelela leswi, ingi a nga n'wi tekangi Boneka. √√√

MAAVELO YA TIMARAKA:

V =15 (Mikutlunya yin'wana na yin'wana ya ntlanu.)
X&R=10

[25]**KUMBE****XIVUTISO XA 14: XIKAMBELANTWISISO****VUKOSI / MBERHA – P Ndlovu**

- 14.1 I Boneka.√ (1)
- 14.2 Ku ta pfuna N'wa-Vusika ku hlayisa Fambeleni. √√ (2)
- 14.3 N'wa-Vusika. √ (1)

- 14.4 A a nga ri na n'wana. ✓ (1)
- 14.5 Amukela vonelo rin'wana na rin'wana leri twalaka, Xik. A a chavisiwa hi leswi Boneka a xa ha ri ntombi hi ku tiva leswaku Xikweni a nga wela endzingweni a xi hlomisa. ✓✓ (2)
- 14.6 N'wavukwele a a chava ngopfu ku tekeriwa nuna, mhaka leyi hi yi vona na yena yi n'wi humelela. Loko Xikweni a therile na Boneka eJoni u fike a rhandzana na Boneka. ✓✓ Endzhakunyana u vuyile a ta hlongola N'wa-Visika na N'wa-Vukwele, kutani a tshama na Boneka tanihi nsati wa yena. ✓✓ (4)
- 14.7 A a ri na vukwele eka N'wa-Vusika na le ka Boneka./ A a vula leswaku a nga lavi ku tekeriwa nuna./ U monyile loko a twa leswaku N'wa-Vusika u vitanile Boneka ku ta n'wi pfuna ku hlayisa n'wana. ✓✓ (2)
- 14.8 U vurile leswaku u lava yindlu ya tikamara ta ntshanu. ✓✓ (2)
- 14.9 Makumenkombontshanu wa magidi ya tirandi./ R75 000. 00.✓ (1)
- 14.10 U te u lava ku ya tshama ekule na muti wa Xikweni laha a nga ta ka a nga beriwi huwa hi munhu./ A a lava ku sala a tiphina hi vutomi loko Xikweni a lovile. ✓✓ (2)
- 14.11 Mune wa magidi ya tirhandi./ R4 000.00.✓ (1)
- 14.12 U yiverile Xikweni./ Hi leyi a a hamba a yi fihla loko Xikweni a n'wi rhumela mali yo hlayisa ndyangu. ✓ (1)
- 14.13 Hileswi a hlulekeke ku hakela rhente ya n'hweti, na n'hweti vamfumo va kala va n'wi hlongola./ U hlongoriwile endlwini hi vamfumo hikwalaho ka leswi a a kolota mali yo tala ya rhente. ✓✓ (2)
- 14.14 A hi swona. ✓ U hembile a vula leswaku nuna wa yena u lovile ku ri hileswaku wa ha hanya. ✓✓ (3)
- [25]**

KUMBE

XIVUTISO XA 15: XITSALWANA**XIVONI XA VUTOMI – IS Shabangu****NTLANGU: I MHANGU KU TILAVELA**

- Tryphina a a tihanyela kahle na nuna wa yena Sunday Shilenge. √√√
- U kokiwa rinoko hi movha na fenichara yo durha leyi munghana wa yena Florence a nga na yona. √√√
- Tryphina u byeriwa hi munghana wa yena Elizabeth leswaku mali leyi Florence a ganya ha yona u yi kume hikwalaho ko dlaya nuna. √√√
- Elizabeth u tivisa Tryphina leswaku vavasati vo tala va kuma murhi wo dlaya vanuna va vona eka Hadisa. √√√
- Tryphina na yena u kunguhata ku dlaya nuna leswaku a ta kuma rifumo. √√√
- U suka a ya eka Hadisa ku ya lava mhondzo wo dlaya nuna. √√√
- U chela mhondzo endzeni ka bodhlela ra namuneti leswaku nuna a ta nwa loko a timula byalwa byo hisa. √√√
- Namuneti liyani a ya ha nwiwangi hi Sunday kambe yi nwiwe hi vana (Matimu, Xirhandziwa na Tiyani) kutani va vhela va fela kwalaho. √√√
- Ematshan'wini yo kuma mali leyi a a yi languterile, Tryphina u dlele vana va yena. √√√

MAAVELO YA TIMARAKA:

V = 15 (Mikutlunya yin'wana na yin'wana ya ntłhanu.)
X&R=10

[25]

KUMBE**XIVUTISO XA 16: XIKAMBELANTWISO****XIVONI XA VUTOMI – IS Shabangu****NTLANGU: VA TSHIKA XO KHOMA HI VOKO**

- | | | | |
|------|--|---------|-----|
| 16.1 | Hi le kaya ka Albert Baloyi eGiyani. | √ | (1) |
| 16.2 | Nuna na nsati. | √ | (1) |
| 16.3 | A swi nga hanyisani kahle./ A swi hanyisana ku tika.
Bihamiri, nsati wa Albert a a tilawula hikuva hi yena loyi a a kuma mali yo tala./ A a nga pfumeli ku tsundzuxiwa hi nuna hikuva a a n'wi tekela ehansi. | √
√√ | (3) |
| 16.4 | Bihamiri a a ri munhu wo pfumala vutihlamuleri hikuva leswi a a swi endla a ku ri ku onhela vana vumundzuku bya vona hikwalaho ko lava nd huma. | √√√ | (3) |
| 16.5 | Ximunhuhatwankulu xa ntlangu lowu i Bihamiri, loyi a nga sungula mhaka yo yiva a ha ri ntsongo kambe na loko a kurile kumbe a kumile ntirho a nga tshiki timhaka to yiva. | √√ | (2) |

16.6 Hambi munhu o endla swo biha exihundleni swi ta hela swi paluxeka. √√ (2)

NTLANGU: I MHANGU KU TILAVELA

16.7 U fanele u endla swilo ka ha ri na nkarhi.√√ (2)

16.8 Ella u dya mali ya Peter hi ku n'wi onga a endla ongeti wa n'wi rhandza./ U hlohlotelala Peter ku tshika nsati, a n'wi tshembisa leswaku va ta tekana. √√ Loko Peter a nga ha ri na nchumu wa n'wi hlongola. √√ (4)

16.9 Huvo ya nawu yi tlhavile Peter hi sapoto, a tekeriwa movha, a tlhela a hlongoriwa endlwini. √√ (2)

16.10 Mutsari u lava ku lemukisa vavanuna hi khombo leri nga va welaka loko va endla timhaka ta vudlakuta. √√ (2)

16.11 Nhloko ya xikolo. √ (1)

16.12 Hambi wo famba enkoveni lundza ri ta vonaka./ Ku tshema munhu ku tlula mpimo a swi kahle, hikuva siku rin'wana a nga ku hundzukela. √√ (2)

[25]

NTSENGO WA XIYENGE XA C:	25
NTSENGO WA TIMARAKA:	80